

L'annada 2022 podiá pas que revertar la precedenta, ja problematica.

Amb la sortida del COVID, nòstra associacion a degut faire fàcia a un problèma estructural grèu, en partida degut a la pèrdia de las animacions peri-escolaras.

Aprèp un temps de recèrca de finançament per la bibliotèca, çò qu'auriá pogut solucionar nòstre desequilibre de gestion, recèrca en pura pèrdia, nos calguèt nos desseparar del mièg pòste de Chantal.

Sèm dins la temporada de "l'Annada Laus", e sa suscarga de trabalh, e tanben la destabilizacion d'un pauc tot lo local encombrat lo temps del classament per los libres e los documents de Cristian Laus.

Es al moment que nos caliá mai de trabalh salariat que nos a calgut nos privar de la mitat de las oras salariadas !

Fauta de personal a l'acuèlh, l'enregistrament de las escotissons e de las vendas es fach dempuèi setembre en granda partida en benevolat.

Aquí dessús, las maganhas an contunhat amb la represa de la dictada occitana. Foguèt pas aisit de tornar reprèner aprèp l'interrupcion deguda a la pandemia. Coma s'aquò sufisiá pas, nos a calgut anular la primièira data per ne trobar una en febrièr, mas aquí, sèm passats dins l'exercici seguent.

La represa s'es finalament plan passada, çò que nos far entreveire una seguida positiva per las annadas a venir.

L'an qu'avèm entamenat deuriá, s'arribam a conservar totes nòstres finançaments, nos permetre d'apurar una partida de nòstre deficit cumulat. Res es pas assegurad a l'avanci...

Aquí dessús, nòstre president causiguèt de demissionar una setmana abans la dictada ; falta de candidat, lo Conselh d'Administracion decidiguèt que los vici-presidents, lo clavaire e lo burèu assegurarián l'interim dusca a l'Amassada generala.

Suprème auvari, nos a calgut faire fàcia a la demission d'Emilia e organizar a la lèsta un recrutament.

Es Mickie Chatot que pren la seguida : Mickie es pas desconeguda al COR qu'ela e son òme presentèron una exposicion dins lo COR a la debuta de 2022.

Per acabar, aquí los trabalhs que nos espèran dins los meses a venir :

- \* tornar montar un burèu complet
- \* ajudar a la presa de fonccion de Micky
- \* aprestar una novèla Janada (sembla i aver aquí tanben qualques problèmas), abans la de l'an que ven, que farà 50 ans qu'abrandam lo fuòc sus la plaça de la catedrala !
- \* acabar l'annada Laus e en particular capitar de montar una exposicion que per ara a patit de totes las entravas e cumulat los retards.
- \* acabar classaments e enregistraments de la bibliotèca e dels archius
- \* nos atalar a la reflexion sus çò que volèm que siá la sason venenta e ne montar lo catalòg

Va sens dire qu'avèm besonh de monde, plan de monde, per far viure nòstra associacion dins son prètzfach de sosténer lenga e cultura occitana dins albigés ; o podètz far dins un primièr temps en vos portant candidats al Conselh d'administracion.

Entre totes, o farem tot...ne dobtí pas !

Pour le bureau du CCOA,  
Philippe Enderlin  
Vice-president del CCOA